

ҚҰТТЫҚТАУ



Құрметті мәдениет саласының қызметкерлері мен ардагерлері!

БАРШАҢЫЗДЫ 21 МАМЫР – МӘДЕНИЕТ ЖӘНЕ ӨНЕР ҚЫЗМЕТКЕРЛЕРІНІҢ КӘСІБИ МЕРЕКЕСІМЕН ШЫН ЖҮРЕКТЕН ҚҰТТЫҚТАЙМЫН!

Адамзаттың ұрпақтан-ұрпаққа қалдырар ұлы мұрасы – мәдениеті мен өнері.
«Өнер – ұлттың жаны» дейді халық даналығы. Кез келген ел өнерімен, мәдениетімен танылып, бағаланатыны анық.
Бүгінгі таңда мәдениет саласының қызметкерлері - айналасын думанға бөлей білетін сан қыры талант иесі және рухани жан дүниесі бай өнерге берілген азаматтар.
Мемлекеттік қолдаулардың арқасында жергілікті өнерпаздар халықаралық, республикалық, облыстық байқаулардан жүлделі оралып жүр.
Сіздер өнеріміз бен мәдениетімізді, ғасырлар бойы атадан балаға мұра болған асыл қазынамызды өскелең ұрпаққа жеткізу жолында аянбай қызмет етіп келесіздер.
Өздеріңіз өнерлеріңізбен елдің рухын көтеріп, зор мақтаныш сыйлайсыздар, халқымыздың мәдени-рухани талғамы мен танымын қалыптастырасыздар.
Бабалар аманатын адал сақтап, бүгінге жеткізіп жүрген мәдениет майталмандарына мықты денсаулық, отбасыларына бақ-береке, жаңа бастамаларына сәттілік, биік шығармашылық табыстар мен жоғары жетістіктер тілеймін!

Нұрлыбек ҚАЛИЕВ,
аудан әкімінің міндетін атқарушы

ИНФРАҚҰРЫЛЫМ

ЖОЛ САЛУ ҚАЛАЙ ЖҮРГІЗІЛУДЕ?



Халық үніне құлақ асқан аудандық мәслихаттың төрағасы Гүлжаннат Қалиеваның шақыртуымен «АТЫРАУ ЖОЛДАРЫ» ЖШС-НІҢ ДИРЕКТОРЫ ОРЫНБАСАР ӨТЕПҚАЛИЕВ АУДАНЫМЫЗДЫҢ ДЫҢҒЫЗЫЛ АУЫЛДЫҚ ОКРУГІНЕ ҚАРАСТЫ ҒИЗАТ ӘЛІПОВ, АҚҚОЛ, ЖАҢАТАЛАП, ОРЛЫ АУЫЛДЫҚ ОКРУГТЕРІНДЕ БОЛЫП, ЖОЛ ҚҰРЫЛЫСЫ БАСЫНДА ТҮРҒЫНДАРМЕН КЕЗДЕСТІ. КЕЗДЕСУЕ АТАЛҒАН ОКРУГТЕРДІҢ ӘКІМДЕРІ ОРАЛБАЙ ӨЗІМОВ, ӘЛІМБАЙ АБДРАХМАН, СҰҢҒАТ БІРӘЛИЕВ, ЖАҢДОС БЕКТЕМІРОВ, АУДАНЫҚ МӘСЛИХАТТЫҢ ДЕПУТАТТАРЫ НАРИМАН ХАЙРОШОВ, ӘНУАРБЕК СӘБИТОВ, НҰРЛАН ЕАЕМЕСУЛЫ, ЖҰМАЖАН ШАКУПОВ, АЙБЕК ЗИНОЛЛАЕВ ҚАТЫСТЫ.

Ғизат Әліпов ауылының тұрғындары жол құрылысына қатысты бірқатар мәселелерді көтерді. Айтуларынша, екі жыл бойы бітпей жатқан бұл жолға жаңбыр жауса бетіне төселген сазы езіліп, онымен жүру өсте мүмкін болмайды. Аққол ауылымен аралыққа қиыршық тасы батпаққа араласып кететін жол емес, асфальт төселуі керек. Жақында ғана үш күн жаңбыр жауғанда аталған елді мекенге бару үшін көліктер 50 шақырымды айналған.

Бұл ауру адамдарға қиындық туғызуда. «Жығылғанға жұдырық» дегендей, оның үстіне такси бағасы да ұшынып тұр. Осылай мұңын шаққан тұрғындар халықтың наразылығын тудырмай, бір шақырым болса да уақытында және сапалы жасалуын талап етіп, олай болмаған жағдайда бұл мәселені жоғары жақтарда да көтеретіндерін ескертті.

ЖАЛҒАСЫ 3-БЕТТЕ

БАСПАСӨЗ - БАРШАҒА

ҰЛТ ҰСТАЗЫ АХМЕТ БАЙТҰРСЫНОВ «ГАЗЕТ – ХАЛЫҚТЫҢ КӨЗІ, ҚҰЛАҒЫ ҺӘМ ТІЛІ» ДЕГЕН СӨЗДІ АЙТҚАЛЫ БЕРІ ҚАҒАЗ БАСЫЛЫМ ТАЛАЙ ҰРПАҚҚА БАҒЫТ-БАҒДАР БЕРДІ. ОНЫҢ БІРІ – КИЕЛІ ҚҰРМАНҒАЗЫ Өңірін ақпарат таратумен айналысып келетін 90 жылдан астам тарихы бар «Serper» ГАЗЕТІ. БАСЫЛЫМ ОСЫ УАҚЫТ ІШІНДЕ ЖОЛЫНАН ЖАҢЫЛМАЙ, ҮРДІСІН ЖАЛҒАСТЫРЫП, ОҚЫРМАНЫНАН БІР ЕЛІ АЖЫРАҒАН ЕМЕС. ОҚЫРМАҢДАР ДА БАСЫЛЫММЕН БІРГЕ ЕКЕНІН БІЛДІРІП ХАТ ЖАЗЫП ТҰРАДЫ. БҮГІНГІ ХАТ ИЕСІ АБАЙ АТЫНДАҒЫ ЖАЛПЫ ОРТА МЕКТЕПТІҢ ҚАЗАҚ ТІЛІ МЕН ӘДЕБИЕТІ ПӘНІ МҰҒАЛІМІ МАРЖАН МИРАСОВА БАСЫЛЫМДЫ ТҰРАҚТЫ ТҮРДЕ ЖАЗДЫРЫП АЛАТЫНЫН АЙТАДЫ.


Газетпен дос болуға шақырамыз!

— Қазір ұрпақ ауысып, технология дамып жатқан кезең. Біздің қатарларымыз, ересектер жағы — «Serper» газетінің тұрақты оқырманы. Мен бала күнімнен осы басылыммен дос болдым. Ертеректе жас буын туралы мақалалар жиі басылатын, олардың әдебиетке күштарлығы, өлеңдері, хабарлары көбірек берілетін. Бүгінде мерзімді басылым заман талабына сай белсенді жұмыс жасап, қоғамның ажырамас бөлігі ретінде жас ұрпақтың қалыптасуына өз үлесін қосуда. Қазіргі таңда жаны ізгі ұрпақ тәрбиелеу Тәуелсіз мемлекетіміздің алдында тұрған өзекті мәселелердің бірі. «Кемедегінің жаны бір» деп дана халқымыз айтқандай, ортақ істен баспасөз сырттап қала алмайды. Газеттің «Мектеп және мезгіл», «Білім көкжиегі», «Таныс болыңыз: іскер басшы» айдарлары ұстаздар мен оқушылар қауымының мінберіне айналған. Жас кезінен басылымға жақын болған ұрпақ ертең одан қол үзбейді. Жасыратыны жоқ, газетке жазылып, тұрақты оқырманы болу да сол басылымды өміршең етеді. Сол себепті, мен әріптестерімді ауданымыздың төл басылымына жазылуға шақырамын. ХХ ғасырдың басындағы қазақ интеллигенциясы — ұстаздар қауымы. Олардың барлығы газетпен тығыз қарым-қатынаста болды. Біз шөкірттерімізді осы бағытта жұмыс жасауға, газетпен дос болуға шақырамыз, — дейді Маржан Мирасова.

ҚҰРМАНҒАЗЫ САҒЫРБАЕВТЫҢ ТУҒАНЫНА - 200 ЖЫЛ

Алтынжардағы «Жайлау той»

ЖАЙЛАУ ТОЙ - ҚАЗАҚТЫҢ ЖАЗҒЫ ЖАЙЛАУҒА КӨШКЕНДЕ ТОЙЛАНАТЫН, ҒАСЫРЛАР БОЙЫ АТАЛЫП КЕЛЕ ЖАТҚАН ҰЛТТЫҚ МЕРЕКЕСІ. МҰНЫ ТАТАРЛАР «САБАН ТОЙ» ДЕП ТЕ АТАЙДЫ. ҚЫСТАҢ АМАН ШЫҒЫП, ЖАЗҒЫ ЖАЙЛАУЫНА ЖЕТКЕН БАБАЛАРЫМЫЗ АРҚАСЫН КЕҢГЕ САЛЫП, БҮЛ КҮНІ ӘН АЙТУДАН, ЕПІЛІК ПЕН КҮШТІЛІККЕ БАУЛИТЫН ҰЛТТЫҚ ОЙЫНДАРДАН, ҚАЗАҚША ТАҒАМДАРДЫ ДАЙЫНДАУДАН ЖАРЫС ҰЙЫМДАСТЫРЫП, АТАП ӨТЕТІН БОЛҒАН. ДӘСТҮРГЕ АДАЛ РЕСЕЙЛІК ҚАНДАСТАРЫМЫЗ, АСТРАХАН ОБЛЫСЫ, ВОЛОДАР АУДАНЫ, АЛТЫНЖАР АУЫЛЫНДА ОРНАЛАСҚАН «ҚҰРМАНҒАЗЫ АТЫНДАҒЫ Өңірлік мәдени орталық» МЕКЕМЕСІ ЖАЙЛАУ ТОЙЫН БИЫЛ БЕСІНШІ ЖЫЛ ҚАТАРЫНАН ҰЙЫМДАСТЫРДЫ.



Шарада Астрахан облысы шығармашылық ұжымдарының мерекелік концерттік бағдарламасы, этноспорттық алаңда болған қазақша «Батыр күрес», арқан тарту, сырыққа өрмелеу және басқаларынан жарыстар көпшілікке көтеріңкі көңіл-күй сыйлады.

Сонымен қатар, «Көшпелілер ауылында» бауырсақ дайындаудан «Бауырсақ шоу», балықты қазанға салып, отқа пісіруден «Астраханша балық асу», киіз үй құру сайыстары өтіп, қонақтар мен алтынжарлықтар атпен, түймен серуендеді. Өткен ғасырдың атмосферасына бойлатқан Кіші жүз қазақтарының қос өзеннің, Еділ мен Жайықтың арасына көшуін сахналаған театрландырылған көрініс тамашаланды.

Алтынжарда өткен Жайлау тойға ауданымыздың жас кәсіпкері, қолөнер шебері Талғат Жұмалиев те отбасымен көрмеге қатысып, садақ атудан шеберлік сабағын көрсетті.

Айнагүл ШАКУПОВА

6 айға

Жеке тұлғалар үшін – 1542,06 теңге

Занды тұлғалар үшін – 3099,20 теңге

ИНДЕКС 15575



газетіне жазылу жүріп жатыр

